

Privredno društvo za proizvodnju i transport gasa

**"BH-Gas" d.o.o.Sarajevo**

Broj: 01-AM-0402-887

Sarajevo, 02-03-2023

Na osnovu člana 69. stav 1. tačka (b) i stav 2 tačka (d) i članu 70., Zakona o javnim nabavkama BiH (Sl. glasnik BiH br. 39/14), te na osnovu člana 51. Statuta „BH-Gas“ d.o.o. Sarajevo Ugovorni organ donosi,

## **ODLUKU o poništenju postupka javne nabavke**

### **Član 1.**

Poništava se postupak javne nabavke putem konkurentskog zahtjeva za dostavu ponuda, broj: 876-7-2-135-3-39/22 od 06.09.2022.godine, za Nabavku konsultantskih usluga za „Projekat implementacije integrisanog sistema upravljanja primjenom međunarodnih standarda: „ISO 9001:2015, ISO 14001:2015, ISO 20000-1:2018 i ISO 27001:2013“, a iz razloga što dostavljene ponude nisu prihvatljive.

### **Član 2.**

Shodno članu 70. stav 6. Zakona o javnim nabavkama BiH, Odluka se objavljuje na internetskoj stranici BH-Gas-a i to istovremeno sa upućivanjem Odluke o poništenju ponuđačima koji su učestvovali u postupku javne nabavke.

### **Član 3.**

Ova odluka stupa na snagu danom donošenja.

## **OBRAZLOŽENJE**

Ugovorni organ je donio Odluku o izboru najpovoljnijeg ponuđača broj: 01-MŠO-0402-4106 od 07.10.2022. godine, odnosno sačinio Zapisnik sa pregleda i ocjene ponuda, a kojim je izabran najpovoljniji ponuđač za Nabavku konsultantskih usluga za Projekat implementacije integrisanog sistema upravljanja primjenom međunarodnih standarda: „ISO 9001:2015, ISO 14001:2015, ISO 20000-1:2018 i ISO 27001:2013“, „INTERQUALITY“ d.o.o. Sarajevo. Nezadovoljan odlukom Ugovornog organa, ponuđač Logosoft d.o.o. Sarajevo je izjavio žalbu na Odluku o izboru najpovoljnijeg ponuđača, te je na osnovu zaprimljene žalbe Ured za razmatranje žalbi donio Rješenje broj: JN2-03-07-1-2914-8/22 od 18.11.2022. godine, a kojim je Odluku o izboru najpovoljnijeg ponuđača poništio i predmet vratio ugovornom organu na ponovni postupak i odlučivanje. Ponovnim pregledom i ocjenjivanjem ponuda, te detaljnim uvidom u rok validnosti izdatih certifikata za pojedine auditore, komisija je konstatovala da nijedna od zaprimljenih ponuda ne ispunjava zahtjeve ugovornog organa propisane tenderskom dokumentacijom, odnosno da niti jedan od ponuđača nije dostavio validne sve certifikate.

Komisija za javnu nabavku je konstatovala slijedeće:

**I Ponuđači su u svojim ponudama dostavili Obrazac Izjave o ispunjenosti uslova iz člana 45. stav (1)**

U cilju dokazivanja tehničke i profesionalne sposobnosti ponuđači moraju ispunjavati slijedeće uslove:

- a) Saradnici koji će biti angažovani kao predavači i konsultanti u realizaciji Projekta integrisanog sistema upravljanja treba da imaju značajna stručna i praktična znanja u području primjene ISO standarda, i da budu sa međunarodno priznatim certifikatima iz oblasti ISO 9001:2015; ISO 14001:2015, ISO 20000-1:2018 i ISO 27001:2013. Ponuđači koje budu nudili uvođenje sistema integrisanog sistema upravljanja treba da navedu reference za uvođenje sistema upravljanja prema standardima ISO 9001:2015, ISO 14001:2015, ISO 20000-1:2018 i ISO 27001:2013 u javnim/privatnim preduzećima i državnim ustanovama.
- b) Poslije provedenog certifikacijskog audita izvršilac usluga treba da sve eventualne nedostatke otkloni bez naknade i u primjerenom roku. Kao dokaz za tačku 11.3.1 ponuđači su dužni dostaviti ovjerenu kopiju važećeg certifikata iz oblasti gore navedenih iso standarda za

eksterni audit, a koji su međunarodno priznati. Sva tri ponuđača su u svojim ponudama dostavili tražene dokaze.

Ponuđač Interquality d.o.o. Sarajevo, ponuđač Logosoft d.o.o. Sarajevo i Bros Co d.o.o. Laktaši, su u svojim ponudama dostavili slijedeće:

1. **Ponuđač Interquality d.o.o. Sarajevo** je u svojoj ponudio dostavio tražene dokaze, međutim isti nisu ovjereni kako je to bilo propisano tačkom 11.3.1 TD. Također izabrani ponuđač je na stranici 24/74 svoje ponude, dostavio certifikat sa rokom važenja od 11.1.2019. g. do 11.1.2022. g., kao i potvrdu izdatu od Ustanove za certificiranje Oskar Edukos sa podatkom o posjedovanju certifikata sa važećim datumom na ime osobe inicijala S. Ć.
2. **Ponuđač Logosoft d.o.o. Sarajevo** je dostavio tražene dokaze, međutim kao i kod ostala dva ponuđača nije moguće izvršiti online provjeru tvrdnje o posjedovanju akreditiranog certifikata kako bi se utvrdila valjanost istih. Također, ovaj ponuđač je na stranici 43, 45, 49, 51, 53, 55, 57 i 59 ponude dostavio certifikate koji nemaju rok važenja, što nije u skladu sa ISO standardima za izdavanje certifikata, gdje je validnost izdatih certifikata vremenski ograničena na tri godine, odnosno da li se radi o certifikatima koji su istekli, jer nije naznačen period važenja certifikata, obzirom da je tenderskom dokumentacijom u tački 11.3.1. traženo da se dostave važeći certifikati. Također, validnost dostavljenih certifikata nije moguće provjeriti, pa tako npr. za certifikat na ime osobe inicijala N. Lj. nije moguće izvršiti online provjeru za ISO 2000-1:2018itd.). Također, na stranici 55 ponude, ponuđač je dostavio certifikat/potvrdu na kojem je navedeno da je „uspješno pohađao kurs tumačenja zahtjeva nove verzije“, što ne znači da su ovim certifikatima završeni i pohađani kursevi, te da posjeduje vještine i znanja iz oblasti koje smo tražili tenderskom dokumentacijom, odnosno što ne znači da je uspješno položio ispit i stekao znanja koja su tražena uz posjedovanje akreditiranog certifikata. Na stranici 55. ponude ne postoji ID na certifikatu kako bi se mogla izvršiti provjera validnosti certifikata pretraživanjem broja certifikata ili certificirane osobe.
3. **Ponuđač Bross Co d.o.o. Laktaši** je na stranici od 45 do 53 svoje ponude dostavio certifikate za koje također nije moguće izvršiti online provjeru validnosti istih, te nije naveden rok važenja dostavljenih certifikata, odnosno da li se radi o certifikatima koji su istekli, jer nije naznačen period važenja kako je to traženo tačkom 11.3.1. tenderske dokumentacije.

U ponovnom postupku evaluacije ponuda, konstatovano je da niti jedan ponuđač u cilju dokazivanja tehničke i profesionalne sposobnosti nije dostavio validne certifikate, kako je to naprijed detaljno opisano, kao i na osnovu gore iznesenog i Rješenja Ureda za razmatranje žalbi broj: JN2-03-07-1-2914-8/22 od 18.11.2022. godine.

Cijeneći sve gore izneseno, Komisija za javnu nabavku je stava da je pokrenuti postupak nabavke potrebno poništiti shodno odredbama člana 69. stav 2) tačka (d), jer nijedna ponuda nije prihvatljiva.


Shodno navedenom odlučeno je kao u dispozitivu ove odluke.

#### POUKA O PRAVNOM LIJEKU:

Protiv ove odluke može se uložiti žalba u skladu sa članom 101. stav (5) Zakona o javnim nabavkama BiH. Žalba se podnosi neposredno na adresu ugovornog organa: BH-Gas d.o.o. Sarajevo, ul. Obala Kulina bana 8/III, 71 000 Sarajevo, u najmanje 3 (tri) primjerka.

#### Dostaviti:

- ponuđačima
- ekonomsko finansijskom sektoru
- a/a

v.d. IZVRŠNI DIREKTOR  
  
Mihajlo Krmpotić



DIREKTORICA  
  
Mr.sc. Nihada Glamoč, dipl.ing.maš.